

Селәнә эдл-ахун көрнѣгиг цааранднѣ делгрүлхмн

Куч-көлснә производитель-ностин көрнѣгиг болн колхоз-никудин бәәдл-джиргълин өс-литиг цааранднѣ улм хурдар ясрулхд, әмн болгъна тоод мах, тос болн үс гаргългъар США-г өбрхн джилмүдин эргд кўцдж авхин тōлә мана Коммунистическ партъ колхозн крестьянствд агъу-ик дōнѣгән кўргджәнә.

Мана колхоз сүл дөрвн джи-лин эргд эдл-ахугъан зōвәр икәр өскв. Тәрә тәрлгъиг авад хәләхлә, им болдж гарв: 1953 джил 1900 гектар газрт буудя тәрдг бәәсн болхла, нидн джил 3041 гектар тәрв-дн. Терүнәсн 13003 центнер буудя хурадж аввдн.

Колхозин эдл-ахун гол хал-хнѣ—мал өсклгън, терүнә ик-нѣкнѣ—торгън нооста хōд өс-клгън болджана. Нидн джил торгън нооста хōбнә тонь 43653 кўрч, бод мал 1959 кў-рч өсв. 1957 джил цуг селәнә эдл-ахугъас 10.130.396 арслнѣ мōнѣг ору авх зурата бәәсн болхла, 11.266.886 арслнѣ мō-нѣг ору аввдн, эс-гидж зура-гъан 111,2 процент кўцәвдн.

Энджл малан нидикәсн икәр өскхин тōлә цуг колхозникуд шунджәнә. 1958 джилин чилгчәр торгън нооста хōбдин тонь 55 минѣгън, бод малин тонь 2100 кўрхмн. Хōбдәс 2350 центнер ноос киргъдж авч, саалин ўкрмүдәс 288 минѣгън литр үс саадж авхмн. Эн зу-рагъан давулдж кўцәх әв-аргъ, чидл манд бәәнә. Темдглсн зурагъан кўцәхин тōлә манд

кўчтә техник, дамшлтиа кол-хозникуд бәәнә. Бидн трактор-муд, комбайнс, талдан чигн селәнә эдл-ахун машид МТС-с хулдж авчанавдн. Тер тех-никиг кўцднѣ орутагъар олз-лдж, колхозин эдл-ахуг улм цааранднѣ делгрүлхмдн лавта.

Нидн джил 2261 центнер мах, 214800 литр үс, 944 цен-тнер торгън ноос, 99300 бндг Тōрскндән орулдж өгвдн. Да-кад МТС-н техникәр кōдлмш кеснд, натуроплата гидж мах, ноос, буудя болн нань чигн өггдв.

Мах, тос болн үс гаргъл-гъиг улм икдүлхин тōлә, кол-хозникуд өбдм даалгъвр авц-хала. Авсн даалгъвран шунм-гъа кевәр кўцәдж йовцхана. Нидн джил ах хōбч, Соци-алистическ Куч-көлснә Герой ўр Попенко Яков Ильич хōн болгънас 7 килограмм 470 грамм ноос киргъдж, зун хōн болгънас 140 хургъ авв. Ноосна зурагъан эн 120 процент, хургъд авлгъна зу-рагъан 127,2 процент кўцәв. Ах хōбчнр Шафоростов Иван Степанович, Кривкин Михаил Ефимович, Щепин Т. М., Ми-хайленко А. С., Попенко Г. Ф., Щепин С. М., нань чигн хōб-чнр производственн даалгъв-ран давулн кўцәцхәв.

Куч-көлснә диилврәр сунѣ-гъвриг темдглх болдж авсн даалгъвран цуг колхозникуд кўцәв.

И. САФОНОВ,
Элст балгъсна, Сталинә пертә
колхозин ахлач.